



Na osnovu člana 13. Zakona o zaštiti lica koja prijavljuju korupciju u institucijama BiH ("Službeni glasnik BiH" br: 100/13) i člana 57. Statuta općine Ilijaš-prečišćeni tekst ("Službene novine Kantona Sarajevo" br: 20/09) općinski Načelnik donosi

## **PRAVILNIK o zaštiti lica koja prijavljuju korupciju u općini Ilijaš**

### **Član 1.**

Ovim Pravilnikom se uređuje status uposlenika državnih službenika i namještenika Jedinstvenog općinskog organa uprave i ostalih Službi općine Ilijaš (u daljem tekstu: organ uprave) koji prijavljuju sumnje ili okolnosti na postojanje korupcije u organu uprave, postupak prijave, obavezu rukovodioca organa uprave u vezi sa prijavljivanjem korupcije i postupak zaštite lica koje prijavljuje korupciju.

### **Član 2.**

Izrazi koji se koriste u ovom Pravilniku imaju identično značenje dato u članu 2. Zakona o zaštiti lica koja prijavljuju korupciju u institucijama BiH (u daljem tekstu: zakona).

### **Član 3.**

Državni službenik ili namještenik organa uprave ako ima sumnju ili okolnost na postojanje korupcije u organu uprave ima pravo istu prijaviti bez rizika da će snositi štetne radnje od strane poslodavca.

Zloupotreba prava prijavljivanja predstavlja tešku povredu radne dužnosti.

### **Član 4.**

Svako prijavljivanje u smislu člana 2. ovog Pravilnika može biti interno i eksterno.

### **Član 5.**

Interno prijavljivanje je kad uposlenik podnosi prijavu rukovodiocu Službe organa uprave ili općinskom Načelniku shodno odredbama člana 5. zakona.

Eksterno prijavljivanje je kada se prijava podnosi nadležnom organu ili instituciji BiH shodno odredbama člana 6. Zakona.

Prijava se podnosi na propisanom obrascu koji je sastavni dio ovog Pravilnika a može i na drugi pisani način.

## Član 6.

Svako prijavljivanje, u smislu odredaba Zakona smatra se zaštićenim prijavljivanjem i podnosioc prijave ima status uzbunjivača.

Status uzbunjivača podnosiocu prijave dodjeljuje Agencija za prevencije korupcije i koordinaciju borbe protiv korupcije (u daljem tekstu: Agencija) u roku od 30 dana od dana obraćanja Agenciji za dodjelu statusa uzbunjivača.

Zahtjev za dodjelu statusa uzbunjivača Agenciji podnosi općinski Načelnik.

## Član 7.

Rukovodilac organa uprave odnosno općinski Načelnik je dužan otkloniti sve štetne radnje i poduzeti mjere naložene od strane Agencije u smislu zaštite uzbunjivača i otklanjanju štetnih radnji u skladu s odredbama član 8. Zakona.

## Član 8.

Ukoliko se u toku postupka dokaže da uzbunjivač prijavu nije podnio u dobroj vjeri Agencija će obustaviti pružanje zaštite prema istom, odnosno da je svjesno podnio lažnu prijavu protiv istog će se pokrenuti postupak odgovornosti.

## Član 9.

Ovaj Pravilnik stupa na snagu osam (8) dana od dana objavljivanja na oglasnoj tabli općine Ilijaš.

Broj: 01/2-05-1248  
Ilijaš, 27.03.2014. godine.



Općinski Načelnik  
Akif Fazlić, dipl.ecc.



Služba za opću upravu i  
lokalnu samoupravu

**PRIJAVA**  
**zbog sumnje ili okolnosti na postojanje korupcije**

Prijavljujem sumnju-okolnost na postojanje korupcije učinjenu od strane uposlenika državnog službenika-namještenika iz Službe \_\_\_\_\_, raspoređenog na poslovima i zadacima \_\_\_\_\_.

Dana \_\_\_\_\_  
(opis \_\_\_\_\_ sumnje \_\_\_\_\_ ili \_\_\_\_\_ okolnosti)

\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_

Dokazi:

1. \_\_\_\_\_
2. \_\_\_\_\_
3. \_\_\_\_\_
4. \_\_\_\_\_
5. \_\_\_\_\_

Ilijaš-

Datum: \_\_\_\_\_

Podnosilac prijave: \_\_\_\_\_